

Qaleralik

Qallunaatut atia: Hellefisk


Latiinerisut atia: Reinhardtius hippoglossoides

Tuluttut atia: Greenland Halibut

Sorlernut ilaava: Aalisakkat

Uumasooqatai: Aalisakkat natermiut talerpiatunga at qalliullutik iseqarfillit

Ilaqutai: Oquuttakkut



Qaleralik Kalaallit Nunaanni uumasuuvoq Tunumi Kitaanilu avannamut Inglefield Land Illoqqortoormiullu tikillugit. Kangerlunni avataaniluunniit 200-1000 meterit itissusilimmiuvuq immap natingajaani immanilu qaffasinnerusormiuulluni.

Ilisarnaatai

Qaleralik immap natermiuvuq talerpiatungaa qalliulluni iseqarfilik, isaa saamerleq qimerluata nalaaniilluni. Isaasa nalaat qasertoq kajuartuuvoq saneraani titarnera narlusuujuulluni. Illuatungaa iseqarfiginngisaa qaqortuunani qasertoq qaamasuuvoq, aalisakkat natermiut allat assignagit qaleralik naami nalaat allinngorlugu (tukungalluni) ingerlasarpoq.

Nerisai

Nerisarai aalisakkat, aalisakkat piaraat, amikut, peqqut allallu immap natermiut.

Paasissutissat

Umaffii: Imaq
Takissusia: 139 cm tikillugu, qaqutigulli
90 cm qaangertarlugu
Oqimaassusia: 45-50 kg
Arnaviaq annerusarpoq
Suai: 60.000 tikillugit
Suffisarpoq: Upernaakkut-aasakkut

Nalunngiliuk?

Qaleralik pingaarutilerujussuuvoq, mamartuugami Kalaallit Nunaannilu aningaasarsiornermut pingaaruteqarluni. Pisarineqartarpoq qassutinik, ningittakkanik kilisaatinilluunniit. Ukiukkut Ilulissat eqqaanni sikumiit annertuumik aalisarneqartarpoq.